



1 4
1544
135



14
1544
135

八代詩卷六十七

羅江李調元雨村 編

吳越
羅隱

隱字昭諫餘杭人本名橫十上不第遂更名從事湖南淮潤無所合久之歸投錢鏐累官錢塘令鎮海軍掌書記節度判官鹽鐵發運副使著作佐郎奏授司勳郎朱全忠以諫議大夫召不行魏博羅紹威推為叔父表薦給事中年七十卒所著有歌詩集十四卷甲乙集三卷外集

八代詩

卷六十七

全五代詩卷六十七

羅江李調元雨村 編

羅隱

隱字昭諫餘杭人本名橫十上不第遂更名從事湖南淮潤無所合久之歸投錢鏐累官錢塘令鎮海軍掌書記節度判官鹽鐵發運副使著作佐郎奏授司勳郎朱全忠以諫議大夫召不行魏博羅紹威推為叔父表薦給事中年七十卒所著有歌詩集十四卷甲乙集三卷外集

一 卷

紀事隱虬共塲屋謂之三羅昭宗聞其名欲以甲科處之有
 大臣奏曰隱雖有才然多怪易明皇聖德猶橫道乎譏謗將相
 臣僚其能免乎凌轡帝問譏諒之詞對曰隱有華清詩云也知道德勝
 堯舜急奈楊妃解笑何事遂寢 昔溪漁隱叢話隱工詩尤長於詠史
 唐宰相鄭畋深器之鄭有女美而才嘗得隱詩諷誦至忘寢食尤喜張
 華謾出如舟語不及劉侯一紙書之句鄭憐其意欲以妻隱一旦召隱
 至私第具食俾女於壁間窺之女見隱貌極陋遂焚其詩不復肯誦焉
 婚竟不成 吳越脩史隱始謁武肅王懼不見納以所為夏口詩標於
 卷首云一個彌衡容不得思量黃祖謾英雄王覽之大笑因加殊禮
 復命簡書辭之曰仲宣遠託劉荆州都緣亂世天子辟為魯司寇只
 為故鄉王初授鎮海節度命沈彬草謝表盛言浙西繁富以示隱隱曰
 今浙西兵火之餘日不暇給朝廷執政方切賂賄此表入奏豈無意要
 求耶乃請更之畧曰天寒而麋鹿常游日暮而牛羊不下朝廷見之曰
 此羅隱之辭也及為賀昭宗更名表曰左則虞舜之全文右則建昌之
 半字京師稱為第一以此名開於茂翁 古今詩話隱與桐廬章魯風
 齊名錢武肅崛起以魯善筆札召為表奏孔目官魯風不就執之後以隱
 為錢塘令懼而受命因宴獻詩有簡彌衡容不得之句自是始厚之此與倫史
 少異 後村唐人尤重進士其末也如李振勸朱溫一日假司空裴贊贊等百餘人
 于白馬驛蘇楷駁昭宗諡李山甫等蘇從訓室鏗一家三百口皆不得志於塲屋者
 為之乃至巢寇亦進士也科目之弊如此當時惟羅隱有詩聲屢擯于名塲然逢世亂離依

錢氏以庇身未嘗失節五言詩云四海霍光第六龍揚奉營此必是諸鎮也封
 王賜功臣號及岐汴劫質天子之時又云陪臣無以報西望不勝情又聞幸蜀
 言云靜憐貴族謀身易危惜文皇創業難蓋有倦倦本朝之意可嘉也
 總龜光化中隱佐西浙幕同院沈嵩得新榜封云隱隱批一絕於紙曰黃
 土原邊狡兔肥云云 鑑戒錄鍾陵妓雲英者隱與舊下第見之雲英
 曰羅秀才尚未脫白隱贈詩有我未成名君未嫁可能俱是不如人之
 句 撫言裴筠婚蕭楚公女言定未幾便擢進士隱以一絕刺之畧曰細
 看月輪還有意信知青桂近嫦娥 困學記聞隱詠松有云陵遷谷變
 頽高節莫向人間作大夫其志亦可悲矣唐六臣彼何人哉隱說錢鏐
 舉兵討梁其志義可見視奴事朱溫之杜荀鶴猶糞土也 十國春秋
 武肅王時西湖日納魚數斤號使宅魚會王名隱題確溪垂釣圖隱借
 詩寓意云只望當年展廟謨直鈞釣國更何如若教生在西湖上也是
 須供使宅魚遽蠲其征 藝苑雌黃隱江東集有淚詩云自從魯國
 潛然後不是姦人即婦人嘗疑其所出及觀孔叢子言子高游趙平
 原君客有鄉文李節者與子高相友善臨別文節流涕交頤子高徒抗
 手而已其徒疑之曰凡泣者一無所取乎子高曰有二焉大姦之人以
 泣自信婦人懦夫以泣著愛始解其說 又昔溪漁隱叢話余舊見
 顏持約所畫淡墨杏花題小詩於後仍題持約二字意謂必其所作因
 閱唐宋類詩方知是羅隱詩持約竊之耳詩云暖氣潛吹次第春梅花
 已謝杏花新半開半落閑園重何異榮枯世上人 蔡寬夫詩話潤

州甘露寺有石狀如伏羊形製畧具號狼石相傳孫權嘗據其上
 此昭烈論曹公壁間舊有羅隱詩版其末句云還看市廛沽酒客雀
 喧鴉聚語蹄落時錢鏐高駢徐溫鼎立三方潤州介處其間隱此詩
 比平時則作亦差婉而有味也 又藝苑雌黃唐人記后土夫人事以
 譏武后耳高駢末年惑於神仙之說呂用之諸葛殷等皆言能使
 鬼神駢酷信之用之尋援引朋黨恣為不法嘗云后土夫人靈佑遣使
 就其借兵馬并李峯所撰太白陰經駢遽下兩縣率百姓以葦席千
 領画甲馬之狀令用之於廟庭焚之又以五采箋馬太白陰經十通
 置於神座之側又於夫人帳中塑綠衣少年謂之韋郎故羅隱詩云
 四海兵戈尚未寧謾勞淮海馬儀形九天元女猶無聖后土夫人豈有
 靈一帶好雲侵鬢綠而行危岫拂眉青韋郎年少今何在端坐思量太
 白經 幕府燕閑錄唐昭宗播遷隨駕伎藝人止有弄猴者猴頭馴馴
 隨班起居昭宗賜以緋袍賜號供奉故隱有詩云十年前就試期五湖烟
 月奈相違何如買取胡孫弄一笑君王便著緋朱梁篡位取此猴令殿下
 起居雅望殿陛見全忠徑趣其所跳躍奮擊遂令殺之 五代詩話隱
 寢疾王親臨其闕題其壁云黃河信有澄清日後代應難繼此才隱
 起續末句云門外旌旗屯虎豹壁間章句動風雷以紅紗覆其上其
 後果無子嗣所著江南甲乙集淮海寓言及讒書後集并行於世初新
 登鼉江常有二氣亘於江上晝夜不滅及隱泊丞相杜建徽生而氣不
 復見識者以為文武秀氣焉 又隱出語成識多留異迹黃浦贈隱

詩云三徵不起時賢議九轉丹成道者言 孝轅癸鐵五代十國詩家
 最著者多有唐遺主五年正己體近雅正惜出之太易義之闕深杜彥之
 俚淺以哀調為哀代事情亦自真切黃文江力孱韻清呢呢如與人對
 語羅昭諫酬情飽墨出之幾不可了未少佳篇奈為浮渲所掩然論筆
 才自在偽國諸吟流上餘即不之片藻付之自節 又白居易詠老柳
 樹但見半衰臨此路不知初種是何人羅隱詠長明燈不知初點人何
 在祇見當年火至今語似祖述而用法一順一倒不同 桐江詩話許
 渾集中佳句甚多然多用數字故國初士人云許渾千章濕是也謂如
 洛中懷古詩云水聲東去市朝變山勢北來宮殿高此句當無愧於作
 者羅隱詩篇篇皆有喜怒哀樂心志去就之語而卒不離乎一身故許
 渾千章濕人以羅隱一生身為對又云杜甫一生愁似優於前笑一西
 溪叢話隱牡丹詩云可憐韓令功成後虛負穠華過此身據白廷翰唐
 蒙求韓令牡丹注云元和中京師貴遊尚牡丹一本直數萬韓滉私第
 有之遽命劇去曰豈效現女耶 此夢瑣言隱與周繇分深繇謂隱曰
 閣下有女鄧子詩極為絕唱隱不喻何為繇曰若教解語應願國任是
 無情也動人隱撫掌大笑 許彥周詩話隱詩只知事遂眼前過不覺
 老從頭上來此話殊有味 南部新書隱題杜甫集云楚水悠悠浸未
 亭楚南天地而無情忍教孫武重泉下不見詩人說用兵 纂要建德
 有金鷄石隱題云金雞不向五更啼石遂破裂有鷄飛鳴而去 樞憲
 小牘子僑家後園有一大井是武肅王外祖家舊物井上有文云於維

此井清有坎靈有莘有印寔此諸英時有長虹上貫青冥是惟王氣宅
相先徵象啟霸主與安蒼祇沛膏漸澤配德東溟臣羅隱謹記 游城
南記杜佑有別墅為城南之最樹每葉七葉因以為名隱詩記之云
夏憲七葉連陰暗隱又有城南雜感詩其題有景星觀姚家園葉家林
及賴家橋上滿河邊句今雜感詩亡 天中記隱上亭驛句云山雨霏
微宿上亭雨中因想雨淋鈴 全唐詩話隱中秋不見月詩云只恐異
時開霽後王輪依舊養蟾蜍本於盧仝月蝕詩然尤簡明又羅隱謝裴
廷翰詩卷云澤國佳人唯粧半面榮印辨士或獻空籠又金山僧院句云
老僧齋罷關門睡不管波濤四面生又顧雲依淮海高駢隱譏之夏飲
於海風亭雲曰青蝇被扇扇離席隱遂白澤遭釘釘在門 五代史補
隱為文章多氣力而性傲視常值其範於舟次素昧生平隱直呼舟
子曰是何朝官我脚問夫輩可敵得數輩貽範輒恨卒以此沮之其作
詩文及謔語常涉譏刺又隱適魏謁鄴王羅紹威將入境先寓書叙家
世以紹威為後子行幕府吏皆怒曰隱一布衣而姪視天王可乎紹威
素重士且曰隱名振天下王公大人多為所薄今惠然肯顧得為後子
幸矣遂擁旆如迎執禮甚恭隱亦不讓比行贈錢百萬仍以書抵武肅
王稱為季父紹威喜學隱詩號其文曰偷江東集又令狐滈登進
士隱賀以短章滈父綸曰吾不喜見得第喜得羅公一管扁耳其取重
當世有如此 五色線記云鸚鵡能言不離飛鳥程能言不離禽獸
隱詩云猩猩鸚鵡無端會長向人間被網羅 詩話隱有尚父建

小樓特搗麗藻不敢稱揚絕句三首云結構勿馮柱石材敢期
蓋此裴回陽春曲調高誰和蓋日焚香倚院堦又瑤簪珠履愧非
材時凭闌干首重回只待淮妖剪除後別傾危酒買行臺又闌檻
初成愧楚材不知星彩尚迂回風流孔令陶鈞外猶記山妖逼小
甚蓋謂錢鈔王作也 丹鉛總錄學詩者動輒言唐詩便以為好
不思唐人有極惡劣者如薛逢戎昱乃盛唐之下唐亦有數若如
羅隱杜荀鶴晚唐之下者李山甫盧延遜又其下下者望羅杜又
不及矣其詩如一箇穢穢容不得又一領青衫消不得之句其他
如我有心中事不向韋三說昨夜洛陽城明月照張八又如餓猶
窺鼠穴飢犬舐魚砧又如莫將閑話當閑話往往事從閑話生又
如水牛浮鼻渡沙鳥點頭行此類皆下里優人口中語而宋人方
採以為詩法入全唐詩話使觀者曰是亦唐詩之一體也如今
稱燕趙多佳人其間有跛者眇者能氣者瘠且痔者乃專房寵
之曰是亦燕趙佳人之一種可乎 唐藝文志隱有蜘蛛詩云
物之小兮迎網而斃物之大兮兼網而逝網也若繩其小而
不繩其大吾不知爾身之危兮腹之餒兮吁按此是賦體應入文
集茲故不登

蟋蟀詩

金華仙譜
類字七
頑颯斃芳吹愁夕長屑成有動歌離弔夢如訴如言緒
引虛寬周隙伺榻絲啣黃緣范睡蟬老冠峨綉好不冠
不綉爾奚以悲蚊蚋有毒食人肌肉蒼蠅多端黑白偷
安爾也出處物兮莫累壞舍啼衰虛堂泣曙勿徇喧譁
鼠也無牙勿學萋菲垣亦有耳危條槁飛抽恨咿咿別
帳缸冷柔魂不定美人在何夜影流波與子佇立徘徊
思多

空城雀

雀入官倉中所食能損幾所恨往復頻官倉乃害爾魚
網不在天鳥網不張水飲啄要自然何必空城裏

隴頭水

借問隴頭水年年恨何事全疑嗚咽聲中有征人淚自
古無長策況我非深智何計謝潺湲一宵空不寐

倣玉臺體

青樓枕路隅壁秋復樹塗晚夢通簾柙春寒逼酒罇解
吟憐芍藥難見恨菖蒲試問年多少鄰姬亦姓胡

巫山高

下壓重泉上千仞香雲結夢西風緊縱有精靈得往來
狄輓鼃軒亦顛隕嵐光雙雙雷隱隱愁為衣裳恨為鬢
暮灑朝行何所之江邊日月情無盡珠零冷露丹隴楓

細腰長臉愁滿宮人生對面猶異同况在千巖萬壑中

江南行

江空濕雨蛟綃軟漠漠小山眉黛淺水國多愁又有情
夜槽壓酒銀船滿細絲搖柳凝曉空吳王臺榭春夢中
鴛鴦鴻鵠喚不起平鋪綠水眠東風西陵路邊月悄悄
油碧輕車蘓小小

芳樹

細萼慢逐風暖香閑破鼻青帝固有心時時漏天意去
年高枝猶隨地今年低枝已顛一豈所以見造化之權
變通之理春夏作頭秋冬為尾循環反覆無終已人生

長短同一軌若使威可以制力可以止則秦皇不肯斂
手下沙邱孟賁不合低頭入蒿里伊人強猛猶如此願
我勞生何足恃但願我開素抱傾綠蟻陶陶兀兀大醉
于清宵白晝間任他是天下是地

江南別

去年今夜江南別鴛鴦翥冷飛蓬燕今年今夜江北邊
鯉魚腸斷音書絕男兒心事無了時出門上馬不自知

晚泊宿松

安慶府志

解纜隨江流晚泊古淮岸歸雲送春和絲星麗雲漢春
深胡雁飛人喧水禽散仰君邈難親沈思夜將旦

錢塘遇默師憶潤州舊遊

見京口三山志

歌敲玉唾壺醉擊珊瑚枝石羊妙喜街甘露平泉碑捫
苔想豪傑別蘇看文詞歸來北固山水檻光參差

庭花

昨日芳艷濃開尊幾同醉今朝風雨惡惆悵人生事南
威病不起西子老蕪至向晚寂無人相偎墮紅淚

薛陽陶感策歌

平原上相東征日曾為陽陶歌感策吳江太守會稽侯
相次三篇皆俊逸橋山殯葬衣冠後金印蒼黃南去疾
龍樓冷落夏口寒從此風流為廢物人間至藝難得主

懷抱差池恨星律邗溝僕射戎政閑試渡瓜洲吐伊鬱
西風九月草樹秋萬喧沈寂登高樓左篁揭指微羽吼
煬帝起坐淮王愁高飄咽滅出滯氣下感知已時橫流
穿空激遠不可遏髮髯似向伊水頭伊水林泉今已矣
因取遺編認前事武宗皇帝御宇時四海恬然知所自
掃除桀黠似提筭制壓羣豪若穿鼻九鼎調和各有門
謝安空儉真兒戲功高近代竟誰知藝小似君猶不棄
勿惜喑鳴更一吹與君共下難逢淚

酬邱光庭

正月十一日書札五月十六日到來柳吟秦望咫尺地

全五代詩

卷六

吳越

七

金華集卷之七
鯉魚何處閑
上言二年隔煙水下有數幅真瓊瑰行吟坐讀口不倦
瀑泉激射琅玕摧壁池蘭蕙日已老村酒蘸甲時幾杯
鶴齡鴻算不復見雨後蓑笠空莓苔自從黃冠擾中土
人心波蕩猶未迴趙殷合眼拜九列張濬掉舌升三台
朝廷濟濟百揆序寧將對面容姦回禍生有基妖有漸
翠華西幸蒙塵埃三川梗塞兩河閉大明宮殿生蒿萊
儒夫早歲不量力策蹇仰北高崔嵬千門萬戶扃鎖密
良匠不肯雕散材君今得意尚如此況我麋鹿悠悠哉
榮衰貴賤口所睹莫嫌頭白黃金臺

秋日懷孟夷庚

秋日黃陂下孤舟憶共誰江山三楚分風雨二妃祠知
已秦貂沒流年賈鵬悲中原正兵馬相見是何時

秋江

秋江待晚潮客思旆旌搖細雨翻蘆葉高風却柳條兵
戈村落破饑餒虎狼驕吾土兼連此離魂望裏消

彬江遷客

不是逢清世何由見皂囊事雖危虎尾名勝泊鵝行毒
霧彬江濶愁雲楚驛長歸時有詩賦一為弔沈湘

寄陸龜蒙

金華集卷之七

吳越

八

龍樓李丞相昔歲仰高文黃閣尋無主青山竟未焚
夜船乘海月秋寺伴江雲却恐塵埃裏浮名點汚君

思故人

故人不可見聊復拂鳴琴鵲繞風枝急螢藏露草深
平生四方志此夜五湖心惆悵友朋盡洋洋漫好音

感舊

紀事云隱受知於令
孤絢此詩哭絢作

劍佩孫宏閣戈鋌太尉營重言虛有位孤立竟無成
邱隴笳簫咽池臺歲月平此恩何以報歸處是柴荆

寄蘇拾遺

早歲長楊賦當年諫獵書格高時輩伏言數宦情疎
慷

慨傳丹桂艱難保舊居退朝觀葉草能望馬相如

寄禮部鄭員外

藥郊門風大裴王禮樂優班資冠雞舌人品壓龍頭
夜直爐香細晴編疏草稠近聞潘散騎三十二悲秋

菊

籬落歲云暮數枝聊自芳雪裁纖藥密金拆小苞香
千載白衣酒一生青女霜春叢莫輕薄彼此有行藏

臺城

水國春常在臺城夜未寒麗華承寵渥江令捧杯盤
宴罷明堂爛詩成寶炬殘兵來吾有計金井玉鉤欄

寄虔州薛大夫

祝融峰下別三載夢魂勞地轉南康重官兼亞相高海
鵬終負日神馬肯眠槽會得窺成績幽窗染兔毫

寒食日早出城東

青門欲曙天車馬已喧闐禁柳搖風細牆花拆露鮮向
誰誇麗景只是歎流年不得高飛便迴頭望紙鳶

秋日懷賈隨進士

邊寇日騷動故人音信稀長纓慙賈誼孤憤憶韓非曉
匣魚腸冷春園鴨掌肥知君安未得聊且示忘機

秋日富春江行

遠岸平如翦澄江靜似鋪紫鱗仙客馭金顛李衡奴冷
疊羣山潤清涵萬象殊嚴陵亦高見歸卧是良圖

寄侯博士

規諫揚雄賦遭迴賈誼官久貧還往少孤立轉遷難清
鏡流年急高槐旅舍寒侏儒亦何有飽食向長安

送沈光侍御赴職閩中

未至應居右全家出帝鄉禮優逢苑雪官重對臺霜夜
浦吳潮吼春灘建水狂延平有風雨從此是騰驤

商於驛與于蘊玉話別

南朝徐庾流洛下憶同遊酒採閑坊菊山登遠寺樓相

思勞寄夢偶別已經秋還被青青桂催君不自由

封禪寺居

盛禮何由覩嘉名偶寄居周南太史淚蠻徼長卿書砌
竹搖風直庭花泣露疎誰能賦秋興千里隔吾廬

錢

志士不敢道貯之成禍胎小人無事藝假爾作梯媒解
釋愁腸結能分睡眠開朱門狼虎性一半逐君回

紅葉

不奈荒城畔那堪晚照中野晴霜浥綠山冷雨催紅遊
子灞陵道美人長信宮等閑居歲暮搖落竟無窮

九江早秋

雨過晚涼生樓中枕簟清海風吹亂木巖聲落孤城百
歲幾多日四蹄無限程西隣莫高唱俱是別離情

初夏寄顧紹宗

江上偶分袂四回寒暑更青山無路入白髮滿頭生郢
浦鴈尋過鏡湖蟬又鳴憐君未歸日杯酒若為情

城西作

從軍無一事終日掩空齋道薄交游少才疎進取乖野
禽鳴聒耳庭草綠侵階幸自同樗櫟何妨愜所懷

秋霽後

淨碧山光冷圓明露點勻
渚蓮丹臉恨堤柳翠眉顰
蟬已送行客鴈應辭主人
蠅蚊漸無況日晚自相親

茅齋

不從事養生非養生職為尸
祿本官是受恩名時
態已相失歲華徒自驚
西齋一卮酒衰老與誰傾

使者

使者銜中旨崎嶇萬里行
人心猶未革天意似難明
四海霍光第六宮張奉營
陪臣無以報西望不勝情

遁跡

遁跡知安住霑襟欲奈何
朝廷猶禮樂郡邑忍干戈
華

馬憑誰問胡塵自此多
因思漢明帝中夜憶蔗頰

杜處士新居

翠斂王孫草荒誅宋玉
茅寇餘無故物時薄少
深交迸筭穿行徑饑離
出壞巢小園吾亦有多病
近來拋

絕境

絕境非身事流年但物華
水梳苔髮直風引蕙心斜
凡客從題鳳膚音未勝蛙
小船兼有槩始與問漁家

昇仙橋

危梁枕路歧駐馬問前時
價自友朋得名因婦女
知直須論運命不得逞文詞
執戟君鄉里榮華竟若為

姑蘇貞娘墓

春草荒墳墓萋萋向虎邱死猶嫌寂寞生肯不風流皎
鏡山泉冷輕裾海霧秋還應伴西子香逕夜深遊

宿彭蠡館

孤館少行旅解鞍增別愁遠山矜薄暮高柳怯清秋病
裏見時態醉中思舊遊所懷今已矣何必恨東流

螢

空庭夜未央點點度西牆花影何微細乘時忽發揚不
思因腐草便擬倚孤光若道能通照車公業肯長

早秋宿葉隴所居

池荷葉正圓長歷報時殫曠野雲蒸熱空庭雨始寒蠅
蚊猶得志簟席若為安浮世知誰是勞歌共一懽

蜨

漢王刀筆精寫爾遍天生舞巧何妨急飛高所恨輕野
田黃雀慮山館主人情此物那堪作莊周夢不成

春居

春風百卉搖舊國路迢迢偶病成疏散因貧得寂寥倚
簾高柳弱乘露小桃夭春色常無處村醪更一瓢

輕颺

輕颺掠晚莎秋物慘關河戰壘平時少齋壇上處多楚

雖屈子重漢亦憶廉頗不及雲臺議空山老薜蘿

燕

不必嫌漂露何妨養羽毛漢妃金屋遠盧女杏梁高野
迴雙飛急煙晴對語勞猶勝黃雀在棲息是蓬蒿

陰不寄張達

梅花已著眼竹葉況黏唇只此留殘歲那堪憶故人亂
離書不遠衰病日相親江浦思歸意明朝又一春

遣興

青雲路不通歸計奈長蒙老恐醫方誤窮憂酒酸空何
堪罹亂後更入是非中長短遭譏笑迴頭避釣翁

寄大理寺徐郎中

佐棘竟誰同因思證聖中事雖忘顯報理合有陰功官
序洗枝老生涯范甑空幾時潘好禮重與話清風

為大理少卿執法平怨鹿
城上簿潘好禮著論美之

傷華髮

舊國迢迢遠清秋種種新已衰曾軫慮初見忽沾巾日
薄梳兼懶根危鑷恐頻青銅不自見只擬老他人

倚棹

倚棹聽鄰笛沾衣認酒壚自緣悲巨室誰復為窮途樹
解將軍夢城遺御史烏直應齊始了傾酌向寒蕪

全五代詩

卷六

吳越十四

舊遊

良時不復再漸老更難言遠水猶經眼高樓似斷魂依
依宋玉宅歷歷長卿村今日空江畔相於只酒樽

秋夕對月

夜月色可掬倚樓聊解顏未能分寇盜徒欲滿關山背
冷金蟾滑毛寒玉兔頑姮娥謾偷藥長短老中間

秋晚

宰邑慚良術為文愧壯圖縱饒長委命爭奈漸非夫杯
酒有時有亂離無處無金庭在何處迴首一踟躕

除夜

官歷行將盡村醪強自傾厭寒思暖律畏老惜殘更歲
月已如此寇戎猶未平兒童不諳事歌吹待天明

雪霽

南山雪乍晴寒氣轉崢嶸鎖却閒門出隨他駿馬行一
竿如有計五鼎豈須烹愁見天街草青青又欲生

冬暮城西晚眺

謬忝蓮花幕虛沾柏署官歌危長抱疾衰老不禁寒時
事已日過世途行轉難千崖萬壑日向望中看

題元同先生草堂三首

開邱方達有道術隱餘杭大滌山景福中吳越王奏請賜紫號元同先生重建

天柱宮以居一日作控鶴坐而遊

杳杳諸天路蒼蒼大滌山景輿留不得毛節去應問相
府舊知已教門新啟關太平匡濟術流落在人間
先生訣行日曾奉數行書意密尋難會情深恨有餘石
橋春暖後勾漏藥成初珍重雲兼鶴從來不定居
常時憶討論歷歷事猶存酒向餘杭盡雲從大滌昏往
來無道侶歸去有台恩自此元言絕長應閉洞門

四頂山

見方輿勝覽

勝景天然別精神入畫圖一山分四頂三面瞰平湖過
夏僧無熱凌冬草不枯遊人來至此願剃髮和鬚

陝西晚思

長途已自窮此去更西東樹色榮衰裏人心往返中別
情流水急歸意故山空莫忘交遊分從來事一同

旅夢

旅夢無遷次窮愁有歎嗟子鷺京口遠粳米會稽賒漏
漉纔成滴燈寒不作花出門聊一望蟾桂向人斜

南康道中

弱冠負文翰此中聽鹿鳴使君延上榻時輩仰前程丹
桂竟多故白雲空有情惟餘路傍淚沾灑向塵纓

靈山寺

晚景聊攄抱憑欄幾蕩魂檻虛從四面江濶奈孤根幽

徑薜蘿色小山苔蘚痕欲依師問道何處繫心猿

雪中懷友人

臘酒復臘雪故人今越鄉所思誰把盞端坐恨無航
苑菴遊盡龜臺仙路長未知鄒孟子何以奉梁王

期徐道者不至

遼鶴虛空語冥鴻未易親偶然來即是必擬見無因霜
霰窮冬冷杯盤旅舍貧只應蒟子訓醉後懶分身

途中逢劉知遠

吳楚煙波裏巢由季孟間只言無事貴不道致身閒別
渚蓮根斷歸心桂樹頑空勞鍾璞意塵世隔函關

亂後逢友人

滄海去未得倚舟聊問津生靈寇盜盡方鎮改更頻夢
裏舊行處眼前新貴人從來事如此君莫獨沾巾

題方干詩

中間李建州夏汭偶同遊願我論佳句推君最上流九
霄無鶴板也人鬢老漁舟世難方如此何當浣旅愁李建州頻于門

江夏酬高崇節

臘雪都堂試春風汴水行十年雖抱疾何處不無情羣
盜正當路此游應隔生勞君問流落山下已躬耕

酬高崇節

舊遊雖一夢別緒忽千般
敗草湯陵晚衰槐楚寺寒
數竒常自愧時薄欲何干
猶賴君相勉慙慙貢禹冠

寄制誥李舍人

梁王握豹韜雪裏見枚臯
上客趨丹陛游人歎二毛
門閒知待詔星動想濡毫
一首長楊賦應嫌索價高

秋日寄狄浦闕

紅塵擾擾間立馬看南山
漫道經年往何妨逐日間
病中霜葉亦愁裏鬢毛斑
不為良知在驅車已出關

寄金吾李孫常侍

西班掌禁兵蘭錡最分明
曉色嚴天仗春寒避火城
安危雖已任鞫畧即嘉聲
請問何功德壺闕冠始平

寄易定公乘億侍御

侍御有明皇再見阿蠻舞
及龍池柳賦時稱冠絕也

謝舞仍宮柳高竒世少雙
侍中生不到園令死須降班
秩通烏府尊罍近碧幢
昭王有餘烈試為禱迷邦

寄袁皓侍御

東堂失路枝榮辱事堪悲
我寢牛衣弊君居豸角危
風塵慚上品才業媿明時
千里芙蓉暮何由話所思

寄徵士魏員外

嘉遁蘓門節清貧粉署官
不矜朝命重只恨路行難
窓

曉雞談倦庭秋蝶夢闌羨君歸未得還有釣魚竿

寄剡縣主簿

金庭養真地珠篆勾稽官境勝堪長往時危喜暫安洞
連滄海澗山擁赤城寒他日拋塵土因君擬煉丹

寄許融

文苑英華作與于蘊玉詔別

多病仍踈拙唯君與我同帝鄉年共老江徼業俱空燕
冷辭華屋蛩涼恨曉叢白雲高幾許全屬採芝翁

秋寄張坤

庭樹已黃落閉門俱寂寥未知樓託處空羨聖明朝酒
醒鄉心澗雲晴客思遙吾徒自多感顏子只簞瓢

初秋寄友人

九華曾屏跡雁亂與心違是處堪終老新秋又未歸病
中芳草歇愁裏白雲飛樵侶兼同志音書近亦稀

秋居有寄

端居湖岸東生計有無中魔處千般鬼寒時百種風性
靈從道拙心事奈成空多謝金臺客何當一笑同

北固亭東望寄默師

高亭暮色中往事更誰同水漫矜天澗山應到此窮病
憐京口酒老怯海門風惟有言堪解何由見遠公

送李右丞分司東城

分曹得洛川，讜議更昭然。左省曾批勅，中臺肯避權。所
悲時漸薄，共賀老尤全。賣與清平代，相無直幾錢。

蘇小小墓

魂兮橋李城，猶未有人耕。好月當年事，殘花觸處情。向
誰曾豔冶，隨分得聲名。應侍吳王宴，蘭橈暗送迎。

殘花

已歎良時晚，仍悲別酒催。暖芳隨日薄，輕片逐風迴。黛
歛愁歌扇，粧殘泣鏡臺。餘陰莫矜銜，終是共塵埃。

鷹

越海霜天暮，辭韜野草乾。後通司隸職，嚴奉武夫官。服

惡藏鋒在心，麤逐物殫。近來脂膩足，驅遣不妨難。

鶯聲

井上梧桐暗，花間霧露稀。一枝晴復暖，百轉是兼非。金
屋夢初覺，玉關人未歸。不堪閒日聽，因爾又沾衣。

堆子

終日路岐傍，前程亦可量。未能慚面黑，只是恨頭方。雅
旨逾千里，高文近兩行。君知不識字，第一莫形相。

秋浦

晴川倚落暉，極目思依依。野色寒來淺，人家亂後稀。久
貧身不達，多病意長違。還有漁舟在，時時夢裏歸。

寄洪正師

寄寒潭成跡經年滯杜南
僧輕猶有二足朋已過三雞
肋曹公忿猪肝仲叔慙會
應謀避地依約近禪菴

邊夜

光景漂如水流生涯轉似萍
雁門窮朔路牛斗故鄉星
句盡人誰切歌終淚自零
夜闌迴首算何處不長亭

哭張博士太常

前輩修云歿媿君曾比方
格卑雖不稱言重亦難忘
諫草猶青瑣悲風已白楊
只應移理窟泉下對真長

早登新安縣樓

關城樹色齊往事未全迷
塞路古兵人氣封門壯士泥
草濃延蝶舞花密教鶯啼
若以鳴為德鸞皇不及鷄

題段太尉廟

近甸蒙塵日南梁反正年
飄流茂陵椀零落太官椽
建壽縣非降楚披圖異錄
燕堪嗟侍中血不及御衣前

大梁見喬詡

湘水春浮岸淮燈夜滿橋
六年悲梗斷兩地各萍漂
刀筆依三事篇章奏珥貂
跡卑甘汨沒名散稱逍遙
好寺松為徑空江桂作橈
野香花伴落缸暖酒和燒
晉沼尋遊鳳秦冠竟歎鴉
骨凡雞犬薄媿斷蕙蘭招
悵望添燕

瑄蹉跎殿魯瓢敗桐方委繫冤匣正冲霄戰代安釐國
宗封孝景朝千年非有限一醉解無聊漏永燈花暗爐
紅雪片銷久遊家共遠相對鬢俱凋運命從難合光陰
奈不饒到頭蓑笠契兩信釣魚潮

投寄韋左丞

赤壁徵文聘中臺拜却說班資叅令僕曹署轄星辰僕
被從誰起持綱自此新舉明朝典數封納詔書頻禁樹
曾擣藻臺烏舊避塵便應酬倚注何處活窮鱗

省試秋風生桂枝

涼吹從何起中宵景象清漫隨雲葉動高傍桂枝生漠

漠看無際蕭蕭別有聲遠吹斜漢轉低拂白榆輕寥泺
工夫大乾坤歲序更因悲遠歸客長望一枝榮

聖真觀劉真師院十韻

簾下嚴君卜窗間少室峰攝生門已盡混跡世猶逢山
藪師王烈簪纓友戴顓魚跳介象見高僧章卷注
聖元則會稽有術鱸飯吐葛元
蜂紫飽垂新榭黃輕墮小松塵埃金谷路樓閣上陽鐘
野耗為肩寄仙書烏爪封支牀龜縱老取箭鶴何慵別
久曾牽念閑來肯壓重尚餘青竹在試為剪成龍

送汝州李中丞十二韻

羣盜方為梗分符奏未寧黃巾攻郡邑白挺掠生靈塵

土周畿暗瘡痍汝水腥一兇雖剪滅數縣尚凋零理必
資寬猛謀須藉典刑與能纔物論慎選忽天庭官品尊
臺秩山河擁福星虎知應去境牛在宥全形舊政窮人
瘼新街展武經關防秋草白城壁晚峰青破膽期來復
迷魂想待醒魯山行縣後聊為奠惟馨

南園

搏擊路終迷南園且灌畦敢言逃俗態自是樂幽棲葉
長春松濶科圓早薤齊雨露虛檻冷雪壓遠山低竹好
還成徑桃夭亦有蹊小窗奔野馬閑甕養醯雞水石心
逾切煙霄分已睽病憐王猛益思笑隗囂泥澤國潮平

岸江村柳覆堤到頭乘興是誰手好提攜

折吏之大夫二十韻

越嶺千峒乃淮流一派長暫憑開物手來展濟時方舊
跡蘭亭在高風桂樹香地清無等級天濶任徊翔塵尾
談何勝螭頭筆吏狂直曾批鳳詔高已冠鵷行嘯傲辭
民部雍容出帝鄉趙堯推印綬句踐與封疆水占仙人
吹城留御史林嘉賓鄒潤甫百辟賀知章席煖飛鸚鵡
塵輕駐驕驕夜歌珠斷續晴舞雪悠揚化向棠陰布春
隨棣萼芳盛名韜不得雄畧晦彌彰自愧三冬學來窺
數仞牆感深惟刻骨時去欲霑裳想望魚燒尾咨嗟鼠

嚙腸可能因塞拙便合老滄浪題柱心猶壯移山志不
忘深慙百般病今日問醫王

投宣武鄭尚書二十韻

漢代簪纓盛梁園雉堞雄物情須重德時論在明公族
大踰開魏神高本降嵩世家唯塞諤官業即清通翰
論思外綸闈嘯傲中健毫驚綵鳳高步出冥鴻履歷
吾道行藏必聖聰絳霄無繫滯浙水忽西東庾監高樓
月袁郎滿座風四朝存故事兩地有全功去去才須展
行行道益隆避權辭憲署仗節出南宮雁影相承接龍
圖共始終自然須作礪不必恨臨戎幕下蓮花盛竿頭

獬佩紅騎兎逢郭伋戰士得文翁人地應無比簞瓢奈
屢空因思一枝桂已作斲根蓬往事應歸捷勞歌且責
躬殷勤信陵館今日自途窮

全五代詩卷六十八

羅江李調元雨村 編

吳越

羅隱二

賀淮南節度盧員外賜緋

儉蓮高貴九霄聞
紫紫朱衣降五雲
驄馬早年曾避路
銀魚今日且從軍
御題綵服垂天眷
袍展花心透縠紋
應笑當年老萊子
鮮華都自降明君

清明日曲江懷友

君與田蘓即舊遊
我於交分亦綢繆
二年隔絕黃泉下

盡日悲涼曲水頭
鷗鳥似能齊物理
杏花疑欲伴人愁
寡妻稚子應寒食
遙望江陵一淚流

曲江春感

江頭日暖花又開
江東行客心悠哉
高陽酒徒半彫落
終南山色空崔嵬
聖代也知無棄物
侯門未必用非才
一船明月一竿竹
家住五湖歸去來

皇陂

皇陂漱澗深復深
陂西下馬聊登臨
垂楊風輕弄翠帶
鯉魚日暖跳黃金
三月窮途無勝事
十年流水見歸心
輸他谷口鄭天子
偷得閑名說至今

牡丹花

似共東風別有因
絳羅高卷不勝春
若教解語應傾國
任是無情亦動人
芍藥與君為近侍
芙蓉何處避芳塵
可憐韓令功成後
辜負穠華過此身

黃河

莫把阿膠向此傾
此中天意固難明
解通銀漢應須曲
纔出崑崙便不清
高祖誓功衣帶小
仙人占斗客槎輕
三千年後知誰在
何必勞君報太平

汴河

當時天子是閑遊
今日行人特地愁
柳色縱饒妝故國

水聲何忍到揚州乾坤有意終難會黎庶無情豈自由
應笑秦皇用心錯謾驅神鬼海東頭

西京崇德里居

進乏梯媒退又難強隨豪貴殫長安風從昨夜吹銀漢
淚擬何門落玉盤拋擲紅塵應有恨思量仙桂也無端
錦鱗賴尾平生事却被閑人把釣竿

投所思

顛顛長安何所為旅魂窮命自相疑滿川碧嶂無歸日
一榻紅塵有淚時雕琢只應勞郢匠膏肓終恐誤秦醫
浮生七十今三十從此悽惶未可知

經張舍人舊居

行塵不是昔時塵謾向朱門憶侍臣一榻已無開眼處
九泉應有愛才人文餘吐鳳他年詔樹想棲鸞舊日春
從此恩深轉難報夕陽衰草淚沾巾

雒城作

大鹵旌旗出洛濱此中煙月已埃塵更無樓閣尋行處
只有山川識舊人早得鑄金誇范蠡旋聞垂釣哭平津
舊遊難得時難遇回首空城百草春

往年進士趙能卿嘗話金庭勝事見示叙

會稽詩客趙能卿往歲相逢話石城正恨故人無上壽

喜聞良宰有高情
山朝佐命層層聳
水接飛流步步清
兩火一刀罹亂後
會須乘興雪中行

得宣州竇尚書書

曾逐旌旗過板橋
世途多難竟蓬飄
步兵校尉辭公府
車騎將軍憶本朝
醉裏舊遊還歷歷
病中衰鬢奈蕭蕭
遺簪墮履應留念
門客如今只下僚

暇日有寄姑蘓曹使君兼呈張郎中郡中賓僚

嘉植陰陰覆劔池
此中能政動神祇
湖邊觀稼雨迎馬
城外犒軍風滿旗
融酒徒誇無算爵
儉蓮還少最高枝
珊瑚筆架真珠履
曾和陳王幾首詩

寄右省王諫議

耳邊要靜不得靜
心裏欲閑終未閑
自是宿緣應有累
可能時事更相關
魚鮪張翰辭東府
鶴怨周顛負北山
看却金庭芝朮老
又驅車入七人班

送沈先輩歸送上嘉禮

青青月桂觸人香
白苧衫輕稱沈郎
好繼馬卿歸故里
況聞山簡在襄陽
盃傾別岸應須醉
花傍征車漸欲芳
擬把金錢贈嘉禮
不堪栖屑困名場

春日葉秀才曲江

江花江草暖相隈
也向江邊把酒杯
春色惱人遮不得

別愁如瘴避還來安排賤跡無良策裨補明時望重才
一曲吳歌齊拍手十年塵眼未曾開

西京道德里

春樹團團夕結陰此中莊鳥動悲吟一枝丹桂未入手
萬里蒼波長負心老去漸知時態薄愁來唯願酒杯深
七雄三傑今何在休為閑人淚滿襟

憶夏口

漢陽渡口蘭為舟漢陽城下多酒樓當年不得盡一醉
別夢有時還重遊襟帶可憐通塞雁風煙只好狎江鷗
月明更想曾何處吹笛橋邊木葉秋

途中獻晉州孟中丞

太平天子念蒲東又委星郎養有功昨日隼旟辭闕下
今朝珠履在河中樓移庾亮千山月樹待袁宏一扇風
不及政成應入拜晉州何足展清通

感德敘懷寄上羅鄴王

舊業傳家有寶刀近聞餘力更揮毫腰間印佩黃金重
卷裏詩裁白雪高讌罷嘉賓迎鳳藻獵歸諸將問龍韜
分茅列土纔三十猶擬迴頭賭錦袍

送魏校書兼呈曹使君

亂羅無計駐生涯又事東遊惜歲華村店酒旗沽竹葉

野橋梅雨泊蘆花
雉書炭跡官雖屈
負米安親路不賒
應見使君論世舊
埽門重得向曹家

七夕

絡角星河菡萏天
一家懽笑設紅筵
應傾謝女珠璣篋
盡寫檀郎錦繡篇
香帳簇成排窈窕
金鍼穿罷拜嬋娟
銅壺漏報天將曉
惆悵佳期又一年

送臧漬下第謁賓廊州

賦得長楊不直錢
却來京口看鶯遷
也知絳灌輕才子
好謁尤常醉少年
萬里故鄉雲縹渺
一春生計淚瀾洑
多情柱史應相問
與話歸心正浩然

送鄭州嚴負外

欲將刀筆潤王猷
東去先分聖主憂
滿扇好風吹鄭圃
一車甘雨別皇州
尚書磧冷鴻聲晚
僕射陂寒樹影秋
從此文星在何處
武牢關外庾公樓

衡陽泊木居士廟下作

鳥噪殘陽草滿庭
此中枯木似人形
只應神物長為主
木必浮槎即有靈
八月風波飄不去
四時黍稷薦惟馨
南朝庾信無因賦
牢落祠前水氣腥

鍾陵見楊秀才

孺亭滕閣少踟躕
三度南遊一事無
祇覺流年如鳥逝

不知何處有龍屠雲歸洪井枝柯斂水下章江氣色麤
賴得與君同此醉醒來愁被鬼揶揄

春日憶湖南舊遊寄盧校書

旅榜前年過洞庭會提刀筆事甘寧璫筵離隔將軍幕
朱履頻窺處士星恩重匣中孤劍在夢餘江畔數峰青
金貂見服嘉賓散回首昭邱一涕零

春日獨遊禪智寺

樹遠連天水接空幾年行樂舊隋宮花開花謝還如此
人去人來自不同楚鳳調高何處酒吳牛蹄健滿車風
思量只合騰騰醉煮海平陳一夢中

后土廟

四海兵戈尚未寧始於雲外學儀形九天元女猶無聖
后土夫人豈有靈一帶好雲侵鬢綠兩層危岫拂眉青
韋郎年少知何在端坐思量太白經

金陵夜泊

冷煙輕澹傍衰叢此夕秦淮駐斷蓬棲鴈遠驚鴻沽酒火
亂鷗高避落帆風地銷王氣波聲急山帶秋陰樹影空
六代精靈人不見思量應在月明中

上江州陳負外

寒江九派轉城樓東下鍾陵第一州人自中臺方貴盛

地從西晉即風流舊班久望鴻晴翥餘力猶聞虎夜浮
應恨屬官無健令異時佳節阻閑遊

廣陵開元寺閣上作

滿檻山川漾落暉檻前前事去如飛雲中雞犬劉安過
月裏笙歌煬帝歸江甌海門帆散去地吞淮口樹相依
紅樓翠幕知多少長向東風有是非

早春巴陵道中

遠雪亭亭望未銷岳陽春淺似相饒短蘆冒土初生笋
高柳偷風已弄條波汎洞庭獺獺健谷連荆楚鬼神妖
中流菱唱洵何處一隻畫船蘭作橈

淮南送李司空朝覲

聖君宵旰望時雍丹詔西來雨露濃宣父道高休歎鳳
武侯才大本猶龍九州似昂終須負萬物為銅只待鎔
臘後春前更何事便看經度奏東封

廣陵春日憶池陽有寄

煙水濛濛接板橋數年經歷駐征橈醉凭曲檻波千頃
愁倚長亭柳萬條別後故人冠獬豸病來知己賞鷓鴣
清流夾宅千家住會待閑乘一信潮

春中湘中題岳麓寺僧舍

蟾宮虎穴兩皆休來凭危欄送遠愁多事林鶯還謾語

薄情邊鴈不迴頭春融只待乾坤醉水濶深知世界浮
欲共高僧話心迹野花芳草奈相尤

出試後投所知

此日蓬壺兩日程當時消息甚分明桃須曼倩催方熟
橘待洪崖遣始行島外音書應有意眼前塵土漸無情
莫教更似山西鼠齒破愁腸恨一生

湘南春日懷古

晴江春暖蘭蕙薰鳧冉冉鷗著羣洛陽賈誼自無命
少陵杜甫偏有文空濶遠帆遮落日蒼茫野樹礙歸雲
松醪酒好昭潭靜閑過中流一弔君

金陵寄竇尚書

二年歧路有西東長憶優游楚驛中虎帳談高無客繼
馬卿官傲少人同世危肯使依劉表山好猶能憶謝公
此去此恩言不得謾將閑淚對春風

清溪江令公宅

蠻牋象管夜深時曾賦陳宮第一詩宴罷風流人不見
廢來蹤跡草應知鶯憐勝事啼空巷蝶戀餘香舞好枝
還有往年金甃井牧童樵叟等閑窺

鄭州獻盧舍人

海槎閑暇閤風輕不是安流不肯行雞省露濃湯餅熟

鳳池煙暖詔書成
漁籌已合光儒夢
堯印何妨且治兵
會待兩都收復後
右圖儀表左題名

酬黃從事懷舊見寄

舊遊不合到心中
把得君詩意亦同
水館酒闌清夜月
香街人散白楊風
長繩繫日雖難絆
辨口談天不易窮
世事自隨蓬轉在
思量何處是飛蓬

錢尚父生日

大昴分光降斗牛
興唐宗社作諸侯
伊夔事業扶千載
韓白機謀冠九州
貴盛上持龍節鉞
延長應續鶴春秋
錦衣玉食將何報
更俟莊椿一舉頭

送楊鍊師却歸貞浩巖

宦途不復更經營
歸去東南任意行
別後幾回思會面
到來相見似前生
久居竹蓋知勤苦
舊業蓮峰想變更
為謝佯狂吳道士
耳中時有鐵船聲

覽晉史

張翰思吳中鱸膾葦羹

齊王僚屬好男兒
偶覓東歸便得歸
滿目路歧拋似夢
一船風雨去如飛
盤擎紫線葦初熟
箸撥紅絲鱸正肥
惆悵途中無限事
與君千載兩忘機

春思

蕩漾春風綠似波
惹情搖恨去恹恹
燕翻永日音聲好

柳舞空城意緒多蜀國暖迴溪峽浪衛娘清轉過雲歌
可憐戶外桃兼李仲蔚蓬蒿奈爾何

安陸贈徐礪

靈虵橋下水聲聲曾向橋邊話別情一榻偶依陳太守
三年深憶禰先生塵欺鬢色非前掌火熟蓬根有去程
還把餘杯重相勸不堪秋色背鄖城

寄鍾常侍

一從朱履步金臺靡苦水寒奉上台峻節不由人學得
遠途終是自將來風高漸展摩天翼餘聳方呈構厦材
應笑樟亭舊同舍九州無驗滿爐灰

寄第五尊師

茗溪煙月久因循野鶴衣裘獨繭綸只說泊船無定處
不知攜手是何人朱黃棟日囚尸鬼青白臨時注腦神
欲訪先生問經訣世間難得不由身

寄西華黃鍊師

西華有路入中華依約山川認永嘉羽客昔時留篠簜
故人今又種煙霞壇高已降三清鶴海近應通八月槎
盛事兩般君總得老萊衣服戴顯家

送支使蕭中丞赴關

八年刀筆到京華歸去青冥路未賒今日風流卿相客

舊時基業帝王家，彤庭彩鳳雖添瑞。望府紅蓮已減花，從此常僚如有問。海邊麋鹿斗邊槎。

送人歸湘中兼寄舊知

青溪煙雨九華山，亂後應同夢寐間。萬里分飛休掩袂，兩旬相見且開顏。君依宰相貂蟬貴，我戀王門鬢髮斑。為謝伏波筵上客，幾時金印擬西還。

暇日感懷因寄同院吳蛻拾遺

璧池清秩訪燕臺，曾捧瀛洲札翰來。今日二難俱大夜，當時三幅謾高才。戲悲槐市便笥狂，憶樟亭滿滿杯。猶幸小蘭同舍在，每因相見即銜哀。

夏州胡常侍

百尺高臺勃州大，刀長戟漢諸侯征。鴻過盡邊雲潤，戰馬閑來塞草秋。國計已推肝膽許，家財不為子孫謀。仍聞隴蜀由多事，深喜將軍未白頭。

贈先輩令狐補闕

中間聲跡早薰然，阻避鈞衡過十年。碧海浪高終濟物，蒼梧雲好已歸天花。迎綵服離鶯谷，柳傍東風觸馬鞭。應念淒涼洞庭客，夜深雙淚憶漁船。

湖州裴郎中赴闕後投簡寄友生

錦帳郎官塞詔年，汀洲曾駐木蘭船。禰衡酒醒春瓶倒。

柳暉詩成海月圓歌感遠山珠滴滴漏催香燭淚連連
使君入拜吾徒在宣室他時豈偶然

秋日泊平望驛寄太常裴郎中

蘋洲重到杳難期西倚郵亭憶往時北海尊中常有酒
東陽樓上豈無詩地清每負生靈望官重方升禮樂司
聞說江南舊歌曲至今猶自唱吳姬

西塞山

吳塞當時指此山吳都亡後綠孱顏嶺梅乍暖殘妝恨
沙鳥初晴小隊閑波濶魚龍應混雜壁危猿狖正姦頑
會將一副寒蓑笠來與漁翁作往還

寄前戶部陸郎中

出馴桑雉入朝簪蕭灑清名映士林近日篇章欺白雪
早年詞賦得黃金桂堂縱道探龍頷蘭省何曾駐鶴心
離亂事多人不會酒濃花暖且閑吟

五代詩討卷六十九

羅江李調元兩村編

吳越

羅隱三

京口見李侍郎

嗟嗟江柳欲矜春
鐵甕城邊見故人
屈指不堪言甲子
披風常記是庚申
別來且喜身俱健
亂後休悲業盡貧
還有杖頭沽酒物
待尋山寺話逡巡

秋日酬張特元

病寄南徐兩度秋
故人依約亦揚州
偶因鴈足思閑事



擬棹孤舟訪舊遊
風急幾聞江上笛
月明誰共酒家樓
平生意氣消磨盡
甘露軒前看水流

登夏州城樓

寒城獵獵戍旗風
獨倚危樓悵望中
萬里山河唐土地
千年魂魄晉英雄
離心不忍聽邊馬
往事應須問塞鴻
好脫儒冠從校尉
一枝長戟六鈞弓

水邊偶題

野水無情去不回
水邊花好為誰開
只知事逐眼前去
不覺老從頭上來
窮似邱軻休歎息
達如周召亦塵埃
思量此理何人會
蒙邑先生最有才

杜陵秋思

南望商於北帝都
兩堪棲託兩無圖
只聞斥逐張公子
不覺悲同楚大夫
巖畔早涼生紫桂
井邊疎影落高梧
一杯綠酒他年憶
瀝向清波寄五湖

夜泊毘陵無錫縣有寄

草蟲幽咽露初團
獨繫孤舟夜已闌
濁浪勢奔吳苑急
疎鐘聲徹惠山寒
愁催鬢髮凋何易
貧戀家鄉別漸難
他日親朋應大笑
始知書劍是無端

桃花

暖觸衣襟漠漠香
間梅遮柳不勝芳
數枝豔拂文君酒

半里紅歌宋玉牆盡日無人疑悵望有時經雨又淒涼
舊山山下還如此迴首東風一斷腸

籌筆驛

拋擲南陽為主憂北征東討盡良籌時來天地皆同力
運去英雄不自由千里山河輕孺子兩朝冠劍恨譙周
唯餘巖下多情水猶解年年傍驛流

重過隨州故兵部李侍郎恩知因抒長句

莊周高論伯牙琴閑夜思量淚滿襟四海共誰言近事
九原從此負初心鷗翻漢浦風波急鴈下鄖溪霧雨深
慙媿蒼生還有意解歌襦袴至如今

寄南城韋逸人

杜甫詩中韋曲花至今無賴尚豪家美人曉折露沾袖
公子醉時香滿車萬里丹青傳不得二年風雨恨無涯
羨他南澗高眠客春去春來任物華

梅花

吳王醉去十餘里照野拂衣今正繁經雨不隨山鳥散
倚風疑共路人言愁憐衫豔飄歌席靜愛寒香撲酒罇
欲寄所思無好信為人惆悵又黃昏

和禪月大師見贈

高僧惠我七言詩頓豁塵心展白眉秀似谷中花媚日

清如潭底月圓時應觀法界蓮千葉
宵折人間桂一枝
漂蕩秦吳十餘載因循猶恨識師遲

謁文宣王廟

晚來乘興謁先師松柏淒淒人不知
九仞蕭牆惟瓦礫
三間茅殿走狐狸雨淋狀似悲麟泣
露滴還同歎鳳悲
儻使小儒名稍立豈教吾道受栖遲

代文宣王答

三教之中儒最尊止戈為武武尊文
吾今尚自披蓑笠
你等何須讀典墳釋氏寶樓侵
碧君漢道家宮殿拂青雲
若教顏閔英靈在終不羞他李老君

寄進士盧休

半年池口恨萍蓬今日思量已夢中
遊子馬蹄難重到
故人尊酒與誰同山橫翠後千重綠
蠟想歌時一燼紅
從此客程君不見麥秋梅雨徧江東

送秦州從事

一枝何足解人愁拋却還隨定遠侯
紫陌紅塵今別恨
九衢雙闕夜同遊芳時易失勞行止
良會難期且駐留
若到邊庭有來使試批書尾話梁州

秋日汴河客舍酬友人

梁宋追遊早歲同嗚然違別事皆空
年如流水催何急

全五仙言
道似危途動即窮醉舞且欣連夜月狂吟還聚上樓風
頻君更枉騷人句白鳳靈蛇滿袖中

東歸

仙桂高高似有神貂裘敝盡取無因難將白髮期公道
不覺丹枝屬別人雙闌往來慙請謁五湖歸後恥交親
盈盤紫螯千卮酒添得臨歧淚滿巾

篋中得故王郎中書

鳳里前年別望郎丁寧唯恐滯吳鄉勸疎杯酒知妨事
乞與書題作累糧革鹿才能移海曲縣花尋已落河陽
九原自此無因見反覆遺蹤淚萬行

遍試投所知

桃在仙翁舊苑傍暖煙輕靄撲人香十年此地頻偷眼
二月春風最斷腸會恨夢中無好事也知囊裏有仙方
尋思仙骨真難得始與回頭問玉皇

徐寇南逼感事獻江南知己次韻

酒闌離思浩無窮西望維揚憶數公萬里飄零身未了
一家知獎意曾同雲橫晉國塵應暗路轉吳江信不通
今日便成盧子諒滿襟珠淚墮霜風

詠月

湖上風高動白蘋暫延清景此後巡隔年違別成何事

半夜相看似故人
蟾向靜中矜爪距
兔隈明處弄精神
嫦娥老大應惆悵
倚泣蒼蒼桂一輪

宿荊州江陵驛

西遊象闕媿知音
東下荆溪稱越吟
風動芰荷香四散
月明樓閣影相侵
閒欹別枕千般夢
醉送征帆萬里心
薜荔衣裳木蘭檝
異時煙雨好追尋

江邊有寄

江邊舊業半彫殘
每軫歸心即萬端
狂折野梅山店暖
醉吹村笛酒樓寒
只言聖代謀身易
爭奈貧儒得路難
同病同憂更何事
為君提筆畫漁竿

上雪川裴郎中

貴提金印出咸秦
瀟灑江城兩度春
一派水清疑見膽
數重山翠欲留人
望崇早合歸黃閣
詩好何妨戀白蘋
自是受恩心未足
却垂雙翅羨吳均

臨川投穆中丞

試將生計問蓬根
心委寒灰首戴盆
翅弱未知三島路
舌頑虛掉五侯門
嘯煙白狄沈高木
擣月清砧觸旅魂
家在碧江歸不得
十年魚艇長苔痕

寄鄭補闕

夫子門前數仞牆
每經過處憶遊梁
路從青瑣無因見

恩在丹心不可忘未必便為讒口隔只應貪草諫書忙
別來愁悴知多少兩度槐花馬上黃

姑蘇城南湖陪曹使君遊

水蓼花紅稻穗黃使君蘭棹汎迴塘倚風荇藻先開路
迎旆鳧鷖盡著行手裏兵符神與術腰間金印綵為囊
少年太守勲庸盛應笑燕臺兩鬢霜

秋日有寄姑蘇曹使君

多病無因權小舟闔閭城下謁君侯水寒不見雙魚信
風便唯聞五袴謳早說用兵長暗合近傳觀稼亦閑遊
須知謝奕依前醉閒阻清談又一秋

送章碣赴舉

革鹿歌中別酒催粉闈星彩動昭回久經罹亂心應破
乍覩昇平眼漸開顧我昔年悲玉石憐君今日蘊風雷
龍門盛事無因見費盡黃金老隗臺

寄楊秘書

湖水平來見鯉魚偶因烹處得瓊琚披尋藻思千重後
吟想冰光萬里餘漳浦病來情轉薄赤城吟苦意何如
錦衣公子憐君在十載兵戈從板輿

得宣州竇尚書書因投寄

雙魚迢遞到江濱傷感南陵舊主人萬里朝臺勞寄夢

十年侯國阻趨塵
尋知亂後嘗辭祿
共喜閑來得養神
時見齊山敬亭客
不堪戎馬戰征頻

雪

細玉羅紋下碧霄
杜門顏巷落偏饒
巢居只恐高柯折
旅客愁聞去路遙
撇凍野蔬和粉重
掃庭松葉帶酥燒
寒窗呵筆尋詩句
一片飛來紙上銷

武牢關

楚人曾此限封疆
不見清陰六里長
一壑暮聲何怨望
數峰秋勢自顛狂
由來四皓須神仗
大抵秦皇謾氣強
欲學雞鳴試關吏
太平時節嬾思量

送進士臧濬下第後歸池州

賦成無處換黃金
却向春風動越吟
天子愛才雖仄席
諸生多病又沾襟
柳攀灞岸狂遮袂
水憶池陽深滿心
珍重綵衣歸正好
莫將閑事繫升沈

湘中贈范鄖

丹桂無心彼此諧
二年疎嬾共江潭
愁知酒醞終難捨
老覺人情轉不堪
雲外鷺鷥非故舊
眼前膠漆似煙嵐
勞歌一曲霜風暮
擊折湘妃白玉簪

渚宮秋思

楚城日暮煙靄深
楚人駐馬還登臨
襄王臺下水無賴

神女廟前雲有心千載是非難重問一江風雨好閑吟
欲招屈宋當時魄蘭敗荷枯不可尋

閑居早秋

槐杪清蟬煙雨餘蕭蕭涼葉墮衣裾噪槎烏散沈蒼嶺
弄杵風高上碧虛百歲夢空悲蛺蝶一朝香死泣芙蓉
六宮誰買相如賦團扇恩情日日疎

送舒州宿松縣傅少府

江籬漠漠樹重重東過清淮到宿松縣好也知臨皖水
官閑應得看瀟峰春生綠野吳歌怨雪霽平郊楚酒濃
留取餘杯待張翰明年歸棹一從容

長安秋夜

遠聞天子似羲皇偶捨漁鄉入帝鄉五等列侯無故舊
一枝仙桂有風霜燈欹短焰燒離鬢漏轉寒更滴旅腸
歸計未知身已老九衢雙闕夜蒼蒼

春晚寄鍾尚書

宰府初開忝末塵四年談笑隔通津官資肯便於中路
酒醖還應憶故人江畔舊遊秦望月檻前公事鏡湖春
如今莫問西禪塢一炷寒香老病身

秋曉寄友人

洞庭霜落水雲秋又汎輕漣任去留世界高談今已得

金五仙言 卷之九
宦途清貴舊曾遊手中綵筆誇題鳳天上泥封獎狎鷗
更見南來釣翁說醉吟還上木蘭舟

所思

梁王兔苑荆榛裏煬帝雞臺夢想中只覺惘然悲謝傅
未知何以報文翁生靈不幸台星折造化無情世界空
劃盡寒灰始堪歎滿庭霜葉一窗風

孫員外赴闕後重到三衢

遠山高樹思悠哉重倚危樓盡一杯謝守已隨徵詔入
魯儒猶逐斷蓬來地寒謾憶移暄手時急方知濟世才
宣室夜闌如有問可能全忘未然灰

自湘川東下立春泊夏口阻風登孫權城

吳門此去逾千里湘浦離來想數旬只見風師長占路
不知青帝已行春危憐壞堞猶遮水狂愛寒梅欲傍人
事往時移何足問且憑村酒暖精神

和淮南李司空同轉運員外

層層高閣舊瀛洲此地須徵第一流丞相近年紫倚望
重才今日喜遨遊榮持健筆金黃貴恨咽離筵管吹秋
誰繼伊臯送行句梁王詩好郢人愁

上鄂州韋尚書

往歲先皇馭九州侍臣才業最風流文窮典誥雖餘力

全五仙詩

吳越

十

俗致雍熙盡密謀
蘭省換班青作綬
柏臺前引絳為鞬
都緣未負江山興
開濟生靈拔一秋

廣陵秋日酬進士臧漬見寄

驛西斜日滿窗前
獨凭秋欄思渺綿
數尺斷蓬慚故國
一輪清鏡泣流年
已知世事真徒爾
縱有心期亦偶然
空媿荀家好兄弟
鴈來魚去是因緣

秋日禪智寺見裴郎中題名寄韋瞻

野寺疎鐘萬木秋
偶尋題處認名侯
官離南郡應閑暇
地勝東山想駐留
百醖濃醪成別夢
兩行垂露澣羈愁
心知只有韋公在
更對真蹤話舊遊

江州望廬山

東南蒼翠何崔嵬
橫流一望幽抱開
影寒已令水底去
脚闊欲過湖心來
深處不唯容鬼怪
暗中兼恐有風雷
仙人徃徃今誰在
紅杏花香重首迴

別池陽所居

黃塵初起此留連
火耨刀耕六七年
雨夜老農傷水旱
雪晴漁父共舟船
已悲世亂身須去
肯媿途危跡屢遷
却是九華山有意
列行相送到江邊

送內使周大夫自杭州朝貢

八都上將近平戎
便附輜軒奏聖聰
三接駕前朝覲禮

全五代詩 卷二十九
一函江表戰征功雲間閭苑何時見水底瑤池觸處通
知有殿庭餘力在莫辭消息寄西風

登九棺寺閣

下盤空跡上雲浮偶逐僧行步步愁暫憩已知須用意
漸來爭忍不回頭煙中樹老重江晚鐸外風輕四境秋
嬾指臺城更東望鵲飛龍鬪盡荒邱

九華山費徵君所居

草堂何處試徘徊見說遺蹤向此開蟾桂自歸三徑後
鶴書曾降九天來白雲事跡依前在青瑣光陰竟不迴
盡夕為君思曩日野泉鳴咽路莓苔

途中寄懷

不知何處是前程合眼騰騰信馬行兩鬢已衰時未遇
數峰雖在病相櫻塵埃鞏洛虛光景詩酒江湖漫姓名
試哭軍門看誰問舊來還似禰先生

故洛陽公鎮大梁時隱得遊門下今之經歷事往
人非聊抒所懷以傷以謝

孤舟欲泊思何窮曾憶西來值雪中珠履少年初滿座
白衣遊子也從公狂拋賦筆琉璃冷醉倚歌筵瑇瑁紅
今日斯文向誰說淚碑棠樹兩成空

隱嘗在江陵忝故中令白公叨蒙知遇今復重過

渚宮感事悲身遂成長句

往歲鄮侯鎮渚宮曾將清律暖孤蓬才憐曼倩三冬後
藝許由基一箭中言重不能輕薄命地寒終是泣春風
鳳凰池涸台星折迴首岐山憶至公

商於驛樓東望有感

山川去接漢江東曾伴隋侯醉此中歌繞夜梁珠宛轉
舞嬌春席雪朦朧棠遺善政陰猶在薤送哀聲事已空
惆悵知音竟難得兩行清淚白楊風

淮南送節度盧端公將命之汴州

端公嘗為汴州相公從事

吹臺高倚圃田東此處輶車事不同珠履舊參蕭相國

綠衣今佐晉司空醉離淮甸寒星下吟指梁園密雪中
到彼的知宣室語幾時微拜黑頭公

淮南送司勳李郎中赴闕

中朝品秩重文章雙筆依前賜望郎五夜星辰歸帝座
半年樽俎奉梁王南都水暖蓮分影北極天寒雁著行
不必戀恩多感激過淮應合見微黃

過廢江寧縣

王昌齡嘗尉此縣故吊之

縣前水色細鱗鱗一為夫君弔水濱漫把文章認後代
可知榮貴是他人鶯偷舊韻還成曲草賴餘盡解春
我亦有心無處說等閑停棹似迷津

燕昭王墓

戰國蒼茫難重尋
此中踪跡想知音
強傳別騎山花晚
欲弔遺魂野草深
浮世近來輕駿骨
高臺何處有黃金
思量郭隗平生事
不殉昭王是負心

干越亭

楚水蕭蕭多病身
強凭危檻送殘春
高城自有陵蕪谷
流水那知越與秦
岸下藤蘿陰作怪
橋邊鼓蜃夜欺人
琵琶洲遠江村濶
迴首征途淚滿巾

湘妃廟

劉表荒碑斷水濱
廟前幽草閉殘春
已將怨淚流斑竹

又感悲風入白蘋
八族未來誰北拱
四兇猶在莫南巡
九峰相似堪疑處
望見蒼梧不見人

答宗人袞

崑崙水色九般流
飲即神仙甜
即休敢恨守株曾失意
始知緣木更難求
鶴原謾欲均餘力
鶴髮那堪問舊遊
遙望北辰當上國
羨君歸棹五諸侯

姥山

臨塘古廟一神仙
繡幌花容色儼然
為逐朝雲來此地
因隨暮雨不歸天
眉分初月湖中鑑
香散餘風竹上煙
借問邑人沈水事
已經秦漢幾千年

岐王宅

朱郎平臺隔禁闈
貴遊陳跡尚依稀
雲低雍時祈年去
雨細長楊從獵歸
申白賓朋傳道義
應劉文彩寄音徽
承平舊物惟君盡
猶寫雕鞍伴六飛

答宗人東

大仙跡分雙鍊
武夷真意許
不與入
又悲風入白巖
人越未
北舞四
莫

全五代詩卷七十

羅江李調元雨村編

吳越

羅隱四

東歸途中作

松橘蒼黃覆釣磯
早年生計近年違
老知風月終堪恨
貧覺家山不易歸
別岸客帆和鴈落
晚程霜葉向人飛
買臣嚴助精靈在
應笑無成一布衣

寄張侍郎

衰羸豈合話荊州
爭奈思多不自由
無路重趨桓典馬

有詩曾上仲宣樓塵銷別跡堪垂淚樹拂他門嬾舉頭
一種人間太平日獨教零落憶滄洲

建康

潮平遠岸草侵沙東晉衰來最可嗟庾翼已能窺帝室
王郎還是預人家山寒老樹啼風曲泉暖枯骸動芷牙
欲起九原看一徧秦淮聲急日西斜

經故洛陽城

敗垣危堞跡依稀試駐羸驂吊落暉跋扈以成梁冀在
簡書難問杜喬歸由來世事須翻覆未必餘才解是非
千載昆陽好功業與君門下作恩威

廣陵李僕射借示近詩因投獻

朝論國計暮論兵餘力猶隨鳳藻生語繼盤盂拋俗格
氣兼河岳帶商聲閑尋綺思千花麗靜想高吟六義清
天柄已持堯典在更堪回首問緣因

三衢哭孫員外

燕慈雕梁馬戀軒此心從此更何言直將塵外三生命
未敵君侯一日恩紅蠟有時還入夢片帆何處獨銷魂
忍看明燄衣襟上珠淚痕中見酒痕

所思

西上青雲未有期東歸滄海一何遲酒闌夢覺不稱意

花落月明空所思長恐病侵多事日
可堪貧過少年時
鬪雞走狗五陵道惆悵輸他輕薄兒

自貽

衰老應難更進趨藥畦經卷自朝晡
縱無顯效亦藏拙
若有所成甘守株漢武巡遊虛軋軋
秦皇吞併謾驅驅
如何只見丁家鶴依舊遼東歎綠蕪

暇日投錢尚父

牛斗星邊女宿間棟梁虛敞麗江關
望高漢相東西閣
名重淮王大小山醴設鬪傾金盞
落馬歸爭撼玉連環
自慙麋鹿無能事未報深恩鬢已斑

感別元帥尚父

玉函瑤檢下台司記得當時捧領時
半壁龍蛇蟠造化
滿筐山岳動神祇疲牛舐犢心猶切
陰鶴鳴雛力已衰
稚子不才身抱疾日窺貞跡淚雙垂

戊籤云此隱以子為托也隱子名憲翁善畫羊

魏城逢故人

一年兩度錦江遊前值東風後值秋
芳草有情皆礙馬
好雲無處不遮樓山將別恨和心斷
水帶離聲入夢流
今日因君試回首澹煙喬木隔綿州

遊江夏口

醉別江東酒一杯往年曾此駐塵埃
魚聽建業歌聲過

水看瞿塘雪影來黃祖不能容賤客費禕終是負仙才
平生膽氣平生恨今日江邊首懶迴

黃鶴驛寓題

野雲芳草繞離鞭敢對青樓倚少年秋色未催榆塞鴈
人心先下洞庭船高歌酒市非狂者大嚼屠門亦偶然
車馬同歸莫同恨古人頭白盡林泉

魏博羅令公附卷有迴二首

寒門雖得在諸宗棲北巢南恨不同馬上回慙消髀肉
幄中由羨愈頭風蹉跎歲月心仍切迢遞江山夢未通
深荷吾宗有知己好好將刀筆為英雄

敢將衰弱附強宗細算還緣血脉同湘浦煙波無舊跡
鄴都蘭菊有遺風每憐罹亂書猶達所恨雲泥路不通
珍重珠璣兼繡段草元堂下寄揚雄

病中上錢尚父

左脚方行右臂掣每漸名跡污賓筵縱饒吳土客衰病
爭奈燕臺費料錢藜杖已乾難更把竹輦雖在不堪懸
深恩重德無言處迴首浮生淚泫然

經故友所居

槐花漠漠向人黃此地追遊跡已荒清論不知莊叟達
死交空歎趙岐忙病來未忍言閑事老去唯知覓醉鄉

日暮街東策羸馬一聲橫笛似山陽

大梁從事居汜水

前年帝里望行塵記得仙家第四人
泉煖舊諳龍偃息露寒初見鶴精神
歌聲上榻梁園晚夢遠殘鐘汜水春
知有篋中編集在只應從此是經綸

寄酬鄴王羅令公四首

營室東迴瘡斤邱少年承襲擁青油
坐調金鼎尊明主橫把琯戈拜列侯
書札二王爭巧拙篇章七子避風流
西園舊跡今應在衰老無因奉勝遊
脉散源分歷幾朝縱然官宦只罕僚
正憂未派淪滄海

忽見高枝拂絳霄十萬貔貅趨玉帳
三千賓客珥金貂良時難得吾宗少
應念寒門更寂寥

水雲開霽立高亭依約黎陽對福星
只見篇章矜鏤管不知勲業柱青冥
早緣入夢金方礪晚為傳家鼎始銘
鶴髮四垂煙閣遠此生何處拜儀形

錦笈朱囊連復連紫鸞飛下浙江邊
綃從海室奪煙霧樂奏帝宮勝管弦
長笑應劉悲顯達每嫌伊霍少詩篇
戴灣老圃根基薄虛費工夫八十年

春日投錢塘元帥尚父

正憂衰老辱金臺敢望昭王顧問來
門外旌旗屯豹虎

壁間章句動風雷三都節已聯翩降兩地花應次第開
若比紫髯分鼎足未聞餘力有瓊瓌

征東幕府十三州敢望非才忝上游官秩已叨吳品職
姓名兼顯魯春秋鹽車願後聲方重火井窺來焰始浮

一自黃河千載事麥城王祭謾登樓

吳越備史云隱寢疾王臨撫問因題其壁云黃河

信有澄清日後代應難繼此才隱因續此

錢塘府亭

新恩別啟館娃宮還拜吳王向此中九牧土田周制在
兩藩茅社漢儀同春生舊苑芳洲雨香入高臺小徑風
更有寵光人未見問安調膳盡三公

題袁溪張逸人所居

蒲梢獵獵燕差差數里溪光日落時芳樹文君機上錦
遠山孫壽鏡中眉雞窗夜靜開書卷魚檻春深展釣絲
若使浮名拘絆得世間何處有男兒

關亭春望

關畔春雲拂馬頭馬前春事共悠悠風欺岸柳長條困
露裛山花小朵愁信越功名高似狗裴王氣力大於牛
未知至竟將何用渭水涇川一向流

寄韋贍

石城葦笠阻心期落盡山花有所思羸馬二年蓬轉後

故人何處月明時
風催曉鴈看看別
雨竹秋蠅漸漸癡
禪智闌干市橋酒
縱然相見只相悲

雪溪晚泊寄裴庶子

溪風如扇雨如絲
閑步閑吟柳惲詩
杯酒踈狂非曩日
野花狼藉似當時
道窮謾有依劉感
才急應無借寇期
滿眼雲山莫相笑
與君俱是受深知

送姚安之赴任秋浦

官罷春坊地象雷
片帆高指貴池開
五侯水暖魚鱗去
九子山晴雁叙來
江夏黃童徒逞辯
廣都龐令恐非才
到頭稱意須年少
贏得時光向酒杯

塞外

塞外偷兒塞內兵
聖君宵旰望升平
碧幢未作朝廷計
白挺猶驅婦女行
可使禦戎無上策
只應憂國是虛聲
漢王第宅秦田土
今日將軍已自榮

詠史

蠹簡遺編試一尋
寂寥前事似如今
徐陵筆硯珊瑚架
趙勝賓朋瑇瑁簪
未必片言資國計
只應邪說動人心
九原郝泚何由起
虛誤西蕃八尺金

中元夜泊淮口

木葉迴飄水面平
偶因孤棹已三更
秋涼霧露侵燈下

夜靜魚龍逼岸行
欹枕正牽題柱思
隔樓誰轉遶梁聲
錦帆天子狂魂魄
應過揚州看月明

送溪州使君

兵寇傷殘國力衰
就中南土藉良醫
鳳啣泥詔辭丹闕
鷗倚霜風上畫旗
官職不須輕遠地
生靈只是計臨時
灞橋酒醖黔巫月
從此江心兩地悲

送雲川鄭員外

明時塞詔列分麾
東擁朱輪出帝畿
銅虎貴提天子印
銀魚榮傍老萊衣
歌聽茗塢春山暖
詩詠蘋洲暮鳥飛
知有掖垣南步在
可能須待政成歸

蓮塘驛

蓮塘館東初日明
蓮塘館西行人行
隔林啼鳥似相應
當路好花疑有情
一夢不須追往事
數杯猶可慰勞生
莫言來去只如此
君看鬢邊霜幾莖

甘露寺火後

六朝勝事已塵埃
猶有閒人悵望來
只道鬼神能護物
不知龍象自成灰
犀慚水府渾非怪
燕說吳宮未是災
還識平泉故侯否
一生蹤跡此樓臺

春日登上元石頭故城

萬里傷心極目春
東南王氣只逡巡
野花相笑落滿地

山鳥自憐啼傍人謾道城池須險阻可知豪傑亦埃塵
太平寺主惟輕薄却把三公與賊臣

中元甲子以辛丑駕幸蜀四首

子儀不起渾瑊亡西幸誰人從武皇四海為家雖未遠
九州多事竟難防已聞旰食思真將會待畋遊致假王
應感兩朝巡狩跡綠槐端正驛荒涼

爪牙柱石兩俱銷一點榆塵九土搖敢恨甲兵為棄物
所嗟流品誤清朝幾時越算殲張角何處愚人戴隗囂
跪望峻山重啓告可能餘烈不勝妖

邪氣奔屯瑞氣移清平過盡到艱危縱饒犬彘無常理

不奈豺狼幸此時九廟有靈憇李令三川悲憶恨張儀
可憐一曲還京樂重對紅蕉教蜀兒

白丁攘臂犯長安翠輦蒼黃路屈盤丹鳳有情塵外遠
玉龍無跡渡頭寒靜憐貴族謀身易危惜文皇創業難
不將不侯何計是釣魚船上淚闌干

題潤州妙善前石羊

傳云王孫權與蜀主劉備嘗置會云

紫髯桑蓋此沈吟狼石猶存事可尋漢鼎未安聊把手
楚醪雖滿肯同心英雄已往時難問苔蘚何知日漸深
還有市鄽沽酒客雀喧鳩聚話蹄蹤

臺城

晚雲陰暝下空城六代纍纍夕照明玉井已乾龍不起
金甌雖破虎曾爭亦知霸世才難得却是蒙塵事最平
深谷作陵山作海茂宏流輩莫傷情

甘露寺看雪上周相公

節寒灑白亂溟濛禱請功無造化功光薄乍迷京口月
影交初轉海門風細黏謝客衣裾上輕墮梁王酒釀中
一種為祥君看取半襍災沴半年豐

村橋

村橋酒旆月明樓偶逐漁舟繫葉舟莫學魯人疑海鳥
須知莊叟惡犧牛心寒已分灰無燭事往曾將水共流

除却思量太平在肯拋疎散換公侯

金陵思古

杜秋在時花解言杜秋死後花更繁柔姿曼態葬何處
天紅膩白愁荒原高洞紫簫吹夢想小窗殘雨濕精魂
綺筵金縷無消息一陣征帆過海門

送王使君赴蘇臺

東南一望可長吁猶憶王孫領虎符兩地干戈連越絕
數年麋鹿卧姑蘇疲甍賦重全家盡舊族兵侵大半無
料得伍員兼旅寓不妨招取好椰榆

憶九華

全五代言
九華嶠崕廕柴扉長憶前時此息機黃菊倚風村酒熟
綠蒲低雨釣魚歸干戈已是三年別塵土那堪萬事違
回首佳期恨多少夜闌霜露又霑衣

吳門晚泊寄句曲道友

采香徑在人不留采香徑下停葉舟桃花李花鬪紅白
山鳥水鳥自獻酬十萬梅銷空寸土三分孫策竟荒邱
未知到了關身否笑殺雷平許遠遊

貴池曉望

稂莠參天剪未平且乘孤櫂且行行計疎狡兔無三窟
羈甚賓鴻欲一生合眼亦知非本意傷心其奈是多情

前溪好泊誰為主昨夜沙禽占月明

送丁明府赴紫溪任

金徽玉軫肯踏踟偶滯良途半月餘樓上酒闌梅拆後
馬前山好雪晴初藥公社在憐鄉樹潘令花繁賀版輿
縣譜莫辭留舊本異時量度更何如

寄前宣州竇常侍

往年西謁謝元暉樽酒留歡醉始歸曲檻柳濃鶯未老
小園花暖蝶初飛噴香瑞獸金三尺舞雪佳人玉一圍
今日亂離尋不得滿蓑風雨釣魚磯

送光祿崔卿赴闕

一年極目望西轅此日慙勤聖主恩上國已留虞寄命
中朝應聽范汪言官從府幕歸鄉寺路向干戈見禁門
鴻侶寂寥曹署冷更堪嗚咽問田園

定遠樓

前年上將定妖氛曾築巖城駐大軍近日關防雖弛柝
舊時欄檻尚侵雲蠻兵績盛人皆伏坐石名高世共聞
唯恐亂來良吏少不知誰解叙功勳

江南寄所知周僕射

曾陪公子醉西園峴首碑前事嬾言世亂共嗟王粲老
時危俱受信陵恩潮憐把醖吟江徼雨憶凭闌望海門

飛蓋寂寥清宴罷不知簪履更誰存

江都

淮王高讌動江都曾憶長生亦坐隅九里樓臺牽翡翠
兩行鴛鴦踏真珠歌聽麗句秦雲咽詩轉新題蜀錦鋪
惆悵晉陽星拆後世間兵革地荒蕪

送張綰游鍾陵

南憶龍沙兩岸行當時天下尚清平醉眠野寺花方落
吟倚江樓月欲明老去亦知難重到亂來爭肯不牽情
西山十二真人在從此煩君語姓名

息夫人廟

金五作詩
百雉摧殘連野青，廟門猶見昔朝廷。一生雖抱楚王恨，
千載終為息地靈。蟲網翠環終縹緲，風吹寶瑟助微冥。
玉顏渾似羞來客，依舊無言照畫屏。

漂母塚

寂寞荒墳一水濱，蘆洲絕島自相親。青娥已落淮邊月，
白骨甘為泉下塵。原上荻花飄素髮，道傍菰葉碎羅巾。
雖然寂寞千秋魄，猶是韓侯舊主人。

扇上畫牡丹

為愛紅芳滿砌堦，教人扇上畫將來。葉隨彩筆參差長，
花逐輕風次第開。閑挂幾曾停蝶翅，頻搖不怕落莓苔。

根生無地如仙桂，疑是姮娥月裏栽。

虛白堂前牡丹相傳云太傅手植在錢塘

欲詢往事奈無言，六十年來託此根。香暖幾飄袁虎扇，
格高長對孔融樽。曾憂世亂陰難合，且喜春殘色尚存。
莫背闌干便相笑，與君俱受主人恩。

第五將軍于餘杭天柱宮入道因題寄

交梨火束味何如，聞說苔川已下車。瓦榼尚攜京口酒，
草堂應寫潁陽書。亦知得意須乘鶴，未必忘機便釣魚。
却恐武皇還望祀，軟輪徵入問元虛。

寄無相禪師

老住西峰第幾層為師回首憶南能有緣有相應非佛
無我無人始是僧爛椹作袍名復利鑠金為講愛無憎
何如一袖塵埃外日日香煙夜夜燈

丁亥歲作

病醫門渴望梅十年心地僅成灰早知世事長如此
自是孤寒不合來谷畔氣濃高蔽日蟄邊聲暖乍聞雷
滿城桃李君看取一一還從舊處開

北邙山

一種山前路入秦嵩山堪愛此傷神魏明未死虛留意
莊叟雖生酌滿巾何必更尋無主骨也知曾有弄權人

羨他緜嶺吹簫客閑訪雲頭看俗塵

東歸別所知

芙蓉宮闕二妃壇兩處因依五歲寒鄒律有風吹不變
却羨淮南好雞犬也能終始逐劉安

旅舍書懷寄所知

簾卷雨淋琴瑟秋暫憑前計奈相尤塵飄馬尾甘蓬轉
酒憶江邊有夢留隋帝舊祠雖寂寞楚妃清唱亦風流
可憐別恨無人見獨背殘陽下寺樓

西京道中

全五言
卷之十
半夜秋聲觸斷蓬百年身事筭成空
禰生詞賦拋江夏漢祖精靈憶沛中
未必他時能富貴只應從此見窮通
邊禽隴水休相笑自有滄洲一棹風

粉

每持纖白助君時霜自無慘雪自疑
郎若姓何應解傅女能窺宋不勞施
妝成麗色唯花妬落盡啼痕只鏡知
最好玉京仙署裏更和秋月照瓊枝

贈漁翁

葉艇悠揚鶴髮垂生涯空托一綸絲
是非不向眼前起寒暑任從波上移
風濤長歌秋月裏夢和春雨晝眠時

逍遙此意誰人會應有青山忙水知

下第寄張坤

謾費精神掉五侯破琴孤劍是身讐
九衢雙闕擬何去玉壘銅梁空舊遊
蝴蝶有情牽晚夢杜鵑無賴伴春愁
思量不及張公子經出池江倚酒樓

東歸別常修

六載辛勤九陌中却尋歸路五湖東
名慙桂苑一枝綠鱸憶松江兩筋紅
浮世到頭須適性男兒何必盡成功
唯慙鮑叔深知我他日浦帆百尺風

言

圭玷由來尚可磨似簧終日復如何成名成事皆因慎
亡國亡家只為多須信禍胎生利口莫將譏思逞懸河
猩猩鸚鵡無端解長向人間被網羅

晚眺

凭古城邊眺晚晴遠村尚樹轉分明天如鏡面都來靜
地似人心總不平雲向山領頭閑不徹水流溪裏太綠生
誰人得及莊居老免被枯心枯寵辱驚

全五代詩 卷之廿
七
主玷由來尚可磨似蓄然日復如何成名成事皆因真
亡國亡家只為多須信禍胎生利口吳將議思運懸河
猩猩鸚鵡無端解長向人間被網羅

晚眺

凭古城邊眺晚晴遠村出樹轉分明天如鏡面都來靜
地似人心總不平雲向嶺頭閑不徹水流溪裏太綠生
誰人得及莊居老免被心枯寵辱驚

